

KUADRO LEGAL: MISHON DI SUIDADANIA

E mandato di siudadanía statutorio a keda introdusí na 2006 i a wordu akclará na 2021. E mandato ta pone rekisitonan pa e kontenido di edukashon di siudadanía, e formato den kua e ta wòrdu ofresé, i e kultura di skol. E rekisitonan ta stipulá den artíkulo 10 di e lei di enseñansa primario BES i artíkulo 2.2 di e lei di enseñansa sekundario 2020.

Forma

Edukashon di siudadanía mester ta orientá na meta, koherente, i rekonosibel.

Kontenido edukashonal

Enseñansa ta enfoká riba...

- siña rèspèt pa e konosementu di e balornan sentral di e estado konstitushonal demokrátiko (libertat, igualdat, i solidaridat).
- desaroyá kompetensianan sosial ku ta permiti studiantenan pa partisipá den i kontribuí na sosiedat.
- siña konosementu di i rèspèt pa diferensianan entre hende (por ehèmpel, den kreensianan, género i/òf afiliashon polítiko), i tambe e balor ku kasonan igual ta wòrdu tratá igual.

Kultura di skol

E outoridat apropiá ta sòru pa un kultura di skol ku ta konsistente ku e balornan sentral i den kua ta enkurashá studiantenan pa praktiká i aktua aktivamente di akuerdo ku e balornan aki



Ministerie van Onderwijs, Cultuur en Wetenschap

EDUKASHON DI SIUDADANÍA Mapa di Kalidat òktober 2025

PA KEN?

Enseñansa primario i sekundario riba Boneiru, Statia, i Saba.

DI KIKO E TA TRATA?

Skolnan tin un obligashon legal pa promové siudadanía i koheshon sosial aktivamente a traves di edukashon i kultura di skol. Esaki ta sigui for di e mandato legal di siudadanía i e ophetivonan prinsipal. Skolnan ta disidí pa nan mes kon nan ta implementá esaki.

SUPERVISION

Inspekshon di Enseñansa ta evaluá si edukashon di siudadanía ta diseñá na un manera dirigí, koherente, i rekonosibel i si ta kumpli ku e rekisitonan komo deskribí den e kuadro hurídiko.

1. Kuadro di evaluashon di enseñansa primario kapítulo 5, kapítulo 9.7 i apèndiks 7
2. Kuadro di evaluashon di enseñansa sekundario kapítulo 5, kapítulo 9.8 i apèndiks 8

Normanan di kalidat aplikabel:
OP0, OP2, OP3, VS2, VS3, OR2.

Si Inspekshon di Enseñansa ta evaluá siudadanía komo insufisiente, e skol lo risibí un òrdu di remediashon.

KUADRO LEGAL: OPHETIVONAN PRINSIPAL

Ophetivonan sentral ta deskribí pa tur área di siñamentu kiko e studiantenan mester siña en todo kaso. Skolnan por agregá nan propio ophetivonan.

Aktualmente, no tin ophetivonan prinsipal separá pa e área di siñamentu di siudadanía. Ophetivonan prinsipal ku ta relashoná ku siudadanía awor por wòrdu hañá den otro áreanan di siñamentu, por ehèmpel, e área di siñamentu 'Orientashon riba bo mes i mundu'.

For di 2022, SLO ta aktualisando tur ophetivo prinsipal. Komo parti di e aktualisashon, ophetivonan prinsipal pa e área nobo di siñamentu di siudadanía tambe ta wòrdu desaroyá. E ophetivonan prinsipal aki ta un elaborashon di e kontenido edukativo parti di e mandato legal di siudadanía. E konsepto final di ophetivonan prinsipal ta disponibel for di 1 di sèptèmber 2025, i ta antisipá ku e lo drenta na vigor ofisialmente na 2027. Te ku e tempu ei, Inspekshon lo no monitoriá e uso di e ophetivonan prinsipal aki.

Pa mas informashon tokante e ophetivonan prinsipal nobo i e kuríkulo aktualisá, por bishitá e página aki. Pa un bista aksesibel di e vários rekisitonan legal i e kambionan na nan den e próksimo periodo, por bishitá e infografiko aki.





SOSTEN

E Sentro di Ekspertisio di Siudadanía ta ofresé sosten na skolnan den desaroyo di nan edukashon di siudadanía. E Sentro di Ekspertisio di Siudadanía ta wòrdu supsidia pa e Ministerio di Enseñansa, Kultura i Siensia. E Sentro di Ekspertisio di Siudadanía ta yuda dor di:

- divulgá e rango di rekursionan di siudadanía.
- divulgá konosementu akadémiko i práktiko riba siudadanía.
- brinda un plataforma pa interkambio i enrikesimentu di konosementu i eksperensianan.
- brinda sosten a korto plaso pa tuma e siguiente paso den edukashon di siudadanía.

PREGUNTANAN FREKUENTE

Tin aserkamentunan “korekto” i “robres” pa edukashon di siudadanía?

Skolnan ta disidí pa nan mes kon ta implementá nan edukashon di siudadanía. Esaki por tuma hopi diferente forma, i lei ta permití esaki. Sinembargo, e lei ta pone rekisitonan mínimo, inkluyendo e grado na kua e skol ta promové e balornan sentral di e estado konstitushonal demokrátiko.

Siudadanía mester ta un materia separá òf integrá na nos skol?

E lei no ta pone ningun rekisito pa kon edukashon di siudadanía ta strukturá. Pues, no ta obligatorio pa ofresé edukashon di siudadanía komo un materia separá, ni tampoko ta obligatorio pa integrá siudadanía den otro materianan.

Ki dia e ophetivonan prinsipal nobo pa siudadanía lo wòrdu establecé?

For di 2022, e Sentro di Enseñansa i Investigashon Hulandes (SLO) ta aktualisá tur ophetivo prinsipal. Komo parti di e aktualisashon aki, ophetivonan prinsipal pa e kuríkulo nobo di siudadanía tambe ta wòrdu desaroyá. E konsepto final di ophetivonan prinsipal ta disponibel for di 1 di sèptèmber 2025, i ta antisipá ku e lo dreña na vigor ofisialmente na 2027.

Kiko “propósito, koherente i rekonosibel” ta nifiká?

Skolnan ta tradusí e mandato statutario i ophetivonan prinsipal, basá riba nan propio vishon di siudadanía, den ophetivonan di siñamentu konkreto ku ta konektá ku nan studiantenan i e medio ambiente den kua nan ta lanta (ku propósito). E ophetivonan di siñamentu i e kuríkulo asosia ta lógikamente strukturá (koherente). E enseñansa ku e skol a plania di e forma aki tambe ta wòrdu poné den práktika (rekonosibel).



EDUKASHON DI SIUDADANÍA

Mapa di Kalidat òktober 2025